



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638


32. Conradi Comitis Luxemburgensis Diploma, Anni MCXXXV.

urn:nbn:de:hbz:466:1-14268

Abbatem violenter cogantur seruire, nisi sibi placeat, aut beneficium aliquod ab eis videantur habere. Præbendarij etiam siue Mansionarij fratrum circa Monasterium infra miliare vnum è vicino manentes: siue Dagescalci aut ce-rearij, foris vbique per villas positi, nullius Aduocati, vel Hunnonis placitum nisi pro aliqua temeritate vel negotio ab Abbate, vel à suis fuerint inuitati re-spiciant, familiaque totius Abbatix in quocunq; placito vel negotio, ban-num vel fredas nulli, nisi Abbati, aut villicis suis persoluat, & Telonium à na-uib; eorum in regno nostro nullus exigit. Præterea fideles nostros tam præ-sentes scilicet, quam futuros ignorare nolumus, quia per inuentum Patris nos-tri Domini Paschalis Apostolici, & Mathildis eque Reginae, nec non fidelis nos-tri Arnulfi Aquensis Præpositi, aliorumque fidelium nostrorum, quos præno-minauimus, ac pro iugi ac fideli seruitio prædicti Abbatis Berengori cenobio sibi commisso ac fratribus quasdam Curtes & possessiones Beato Maximino in-iuste subtractas, id est Liouena, Lutthardesdaarra, Mannendal etiam & Gunche-reshusun, cum omnibus pertinentijs suis †

† ad præsens eis reddimus, atque firmamus: Et vt nullus Suc-cessorum nostrorum Regum, vel Imperatorum, nulla prorsus Ecclesiastica, si-ue mundana persona eadem bona quoquomodo inde auferre, vel à præbenda fratrum abalienare præsumat, firmissimè præcipimus atque iubemus. Et vt hoc Imperiale nostræ autoritatis præceptum de his omnibus conscriptum firmum & stabile permaneat, vltèrius manu propria subtus firmauimus, & Sigilli nostri impressione insigniti iussimus. Insuper & spiritualem Patrem nostrum Domi-num Paschalem banno suo confirmare rogauimus.

Signum Domini Hentici Quar-ti Romanorum Imperatoris In-uitissimi Bruno Cancellarius recognouit. Data Kl. Iulij Indi-ctione IX. Anno Dominicæ In-carnationis MCXVI. regnante Domino Henrico Quinto Re-ge Romanorum Anno XI. Im-perante vero VI. Actum in Ita-lia in Castro Burgulicin Dei no-mine feliciter. Amen.



32.

*Conradi Comitis Lutzelburgensis Diploma Anni
MCXXXV.*

IN nomine sanctæ & indiuiduæ Trinitatis. Ego Contardus Comes de Lut-zelenbourgh, postquam prouidente Deo, post decessum pijsissimi genitoris nostri Wilhelmi Comitis de manu Regia, quidque Iuris nostri est, cum om-

ni integritate recepimus consilio fidelium nostrorum, quid nos hominibus nostris, quid nobis homines nostri, quid nos Ecclesijs, quid nobis Ecclesiæ ad Aduocatum nostram spectantes deberent, sollicitè perscrutari studuimus. Vnde cum in Ecclesiam Beati Maximini proximo die post festum eiusdem gloriosi Confessoris venissemus, & in loco nobis præparato vna cum Abbate Gerardo ad celebrandum placitum nostrum sedissemus de omni iudicio nostro, & præcipuè de seruitio, quod ipso die nobis debetur, præsentibus liberis hominibus nostris, ministerialibus nostris, & ministerialibus Ecclesiæ diligentius perscrutati sumus: quod tamè, vt debito ordine processum haberet, Tybaldum de Bettingen, Weclonem de Zoluer, Reynerum de Dumeldingen, vt communicato consilio, cum paribus siue de iure nostro, iuxta quod à patribus suis perceperant, vel certè ex priuilegijs, quæ in ipsa Ecclesia sunt, cognouisse poterant, nobis referrent, sicut debuimus, monuimus. Ipsi vero communi & vnanimi consilio, sicut audierant & viderant, ex sententia nobis retulerunt: quod ipso die à prima hora vsque ad nonam super prædia & mancipia eorum, qui Ministri vel Scaremanni dicuntur, placitare debemus: Ita tamen si celebre festum, vel ieiunium ea die non fuerit, & quidquid placitando adquisierimus duæ partes Abbatis, tertia nostra erit: nullus verò pro nobis ipso die placitare poterit, & nisi in personâ nostrâ præsentis fuerimus, non placitabitur ex parte nostrâ, nec seruitium exigetur, ad seruitium nostrum, si placitauerimus, & quæ corrigenda sunt, iudicio ministerialium & Scabinorum correxerimus, duos maldros panis, quatuor oues, & amam vini Abbas nobis dabit, quod amplius necesse fuerit, de placito accipiemus; per curtes verò Abbatiæ, Aduocati qui de manu nostra Aduocatas tenent, non nisi ter in anno tantum placitare debent, & illi, qui Hunnonnes in quibusdam locis dicuntur, tertio tantum anno, nisi recens fuerit furtum, aut ex parte Abbatis vocati fuerint, placitum habebunt. In illis autem placitis Aduocatorum vel Hunnonum, quidquid clam vel aperte quisque reus vadiauerit, duas partes Abbas, tertiam Aduocati vel Hunnonnes habebunt, ipsumque vadium secundum arbitrium Abbatis consilio villicorum & meliorum, qui in Curtibus sunt, iuxta modum culpe, & facultatis vniuscuiusque hominis disponetur. Si quæ bona ex sententiâ Scabinorum iudiciario ordine indominicata fuerint. Primo anno Abbas debitum censum excipiet, & postea duas partes de fructibus eorundem bonorum, tertiam Aduocati habebunt. Postmodum verò ipsa bona Abbas in sua potestate libere habebit, colet, omnemque fructum recipiet, donec fortè hæres redeat, & de manu Abbatis per consensum Aduocati, & per sententiam Scabinorum bona sua de indomicatione liberata recipiat, in curtibus, in quibus Aduocatis seruitium debetur, ipsum seruitium cum Abbate vel Præposito eius, & cum Scabinis expendent. Quotiescunq; autem petente Abbate, vel exigente negotio Ecclesiæ, ad eundem locum venerimus illi de Anteportam, de Ruuere, de Martini villa, de Mathena, de Centarbers, de Emmelda, qui nullum nisi Abbatè Aduocatum habent, in lignis, straminibus, & lectisternijs prouidente Sculteto Abbatis nobis seruire debent. Hæc igitur per sententiam nobis dicta, & in priuilegio Domini Henrici Quarti Regis Romanorum, aliisque priuilegijs Romanorum Imperatorum & Regum expressa & confirmata rata habemus, nobisque & omnibus Successoribus nostris inuolabiliter tenenda, in perpetuum relinquimus, de seruitio, quod in festo prædicti Patroni ministerialibus datur, vrgentibus ipsis ministerialibus, nec minus petente Abbate & Fratribus per sententiam quæsiuimus, accepimus igitur per sententiam, quod equos eorum, qui ministeriales sunt, & ius ministerialium à præde-

cessoribus suis integritate generis & conditionis obtinuerunt, illi qui ad hoc officium infeudati sunt, circa nonam aduenientis festi, in quoddam pratium, quod est Kenne, deducunt, & vsque ad nonam sequentis diei, vel quamdiu Abbas ipsos ministeriales detinere voluerit, custodient. nullum pabulum eis debetur. Ministerialis si cum vxore sua venerit, duodecim panes, sex sextaria vini, ouem vnā recipiet, si autem sine vxore venerit cum Abbate ipse & famuli sui, qui duo tantum vel tres esse debent, comedet, & sicut nullus predictorum ministerialium à consilio, vel à mensa Abbatis in ipso festo arceri debet: Ita nullus eorum predictum seruitium foris efferendum recipiet, nisi loco militis Abbati decenter assistere & seruire possit; Si quis Ministerialium Ecclesie extraneam vxorem duxerit, filij eius predictum seruitium, quod pater eorum, quia ministerialis Ecclesie erat, habuisse videbatur, non habebunt; femina ministerialis Ecclesie, si viro extraneo nupserit, filij eius propter conditionem matris, predicto seruitio non priuabuntur. Ipsi Ministeriales deposito amictu clamydis, vel alterius superuestimenti, in vesperis, in cœna, in missa subsequente festi, debitâ cum reuerentiâ, Abbatis obsequio se offerent: Abbas si proximo die post festum de negotijs priuatis, vel communibus cum Ministerialibus aliqua tractare voluerit, siue nos presentes, siue absentes fuerimus, absque expensis eorum ipsos detinebit. Si ad placitum venire non poterimus, & Abbas eorum præsencia carere voluerit, circa nonam in ipso festo redeundi ad propria singulis licentiâ dabit. Hæc igitur de iure nostro, de iure Ecclesie, de iure ministerialium per sententiam nobis relata, & assensu omnium comprobata, Abbati & Fratribus, atque ministerialibus petentibus scripto commendauimus, & impressioni Sigilli nostri, vt in perpetuum rata & in conuulsa teneantur, confirmauimus. Huius rei testes sunt, Godefridus Comes de Hesch, Tybaldus de Hettingen, Wyricus de Vischbach, Wetzelo de Zolueren, Humbertus de Ansenburch, Reinerus de Merchediſto. Eugenbrandus de Rockingen, Betzelinus de Decima, & quam plures alij. Acta sunt hæc Anno ab Incarnatione Domini, Millesimo, centesimo, trecesimo quinto. Regnante Lothario Romanorum Rege. Treuiri præſidente Alberone Archiepiscopo.

